



МЕСЯЦА МАЯ В 19-й ДЕНЬ

Святаго благовернаго
великаго князя Димитрия Донскаго

НА МАЛЕЙ ВЕЧЕРНИ

На Господи, воззвах: стихиры, глас 1:

Благоверне княже Димитрие, / ты во дни жития свя-
тителя Алексия возрастая / и молитвами того
окормляем, // в мужа совершенна достигл еси.

Молитвами преподобнаго отца нашего Сергия воз-
ращаем, / святе Димитрие всечестне, / еще млад сый
возрастом, умом же совершен, // князь людей твоих
поставлен был еси.

Отрок еще сый возрастом, святе Димитрие, / житию
благодравному ревновав / и в подвизах веры православ-
ныя укрепляясь, // в мужа совершенна возрастал еси.

Слава, глас 8:

Ведая и слыша о силе агарянстей, / отечество твоё
покорившей, / ты, святе Димитрие, молитвы Христу
в сердце своём слагал еси, // о еже свободити право-
славныя от врагов, томящих я.

И ныне, праздника или Богородичен, глас тойже:

Заступнице наша и прибежище, / Дево Чистая, / во
вся дни живота нашего, // молитвы о людех вознеси
Сыну и Богу Твоему.

На стиховне стихиры, глас 2.

Подобен: Доме Евфрафов:

Жилище Божие явился еси, / святе Димитрие, / княже
всечестне, / не забуди людей Твоих // и отечество твоё
Российское не остави во веки.

Стих: Честна пред Господем / смерть преподобных
Его.

Дом добродетелей духовных явился еси, / возлюбленне княже, / святе Димитрие, / темже преславно почитаема есть память твоя, // предстателю наш теплейший.

Стих: Блажен муж, бойся Господа, / в заповедех Его восхощет зело.

Измлада и до преставления твоего / светильник светлый душу твою соделал еси, / богомудре княже Димитрие, / сего ради от Источника света // испроси осияния душам нашим.

Слава, глас и подобен тойже:

Богомудре княже Димитрие, / нас, грешных сродник твоих, / предстательством твоим не забуди / и в селения Отца светов // молитвами твоими направи.

И ныне, праздника или Богородичен:

Ублажаем Тя, / Чистая Дево Мати, / притекающей к Тебе людие Твои, / святым Покровом Твоим // нас осеняющую.

Тропарь писан на велицей вечерни.

НА ВЕЛИЦЕЙ ВЕЧЕРНИ

На Господи, возвах: стихиры праздника 3 и святого 5. Аще кроме праздника, стихиры святого на 8, глас 4:

Приидите, собори людей Российских, / восхвалим Богом возлюбленного, / доблестного князя Димитрия, / иже победу преславно над враги одержал // и землю Российскую плена лютаго свободил.

Поклонимся благодарне, сынове Российсти, / преславному князю Димитрию, / власти агарянския нас свободившему, / яко вознесет Господь десницу его // на победу иноплеменик.

Припадём любовью и почудимся подвигом / князя предивного Димитрия, / иже собрал полки велия людей Российских / и, помощью Божию покрываем, // землю нашу от нечестия избави.

Спаси ны, Сыне Божий, / молитвами благоверного князя Российскаго Димитрия, / враги наша побори, / отечество наше сохраняя // от ополчений сих невреденно.

Слава, глас 5:

Благословен еси, Христэ Бóже наш, / преслávнаго князя Димíтрия, / Донскím именúема, нам явívый, / и́же благодáтную пóмощь срóдника своего, / вели́каго князя Алексáндра Невскаго, имéя, / рáти агáрянския поразív, // побéду велию и славу отéчеству нáшему стяжá.

И ны́не, прáздника или́ Богорóдичен, глас 5.

Вход. Прокíмен дне. И чтéния.

Премúдрости Соломóновы чтéние (главá 3):

Праведных дúши в руцé Бóжией, и не прикóснется их мýка. / Непщевáни бýша во очесéх безúмных умрéти, и вменíся озлоблéние исхóд их. / И éже от нас шéствие сокрушéние, онí же суть в мíре. / И́бо пред лицéм человéческим áще и мýку при́мут, уповáние их безсмéртia испóлнено. / И вмáле наказани бýвше, вели́кими благодéтельствовани бýдут, / я́ко Бог искусí я и обрéте их достóйны Себé. / Я́ко злáто в горнíле искусí их и я́ко всеплóдие жéртвенное при́ят я. / И во врéмя посещéния их возсия́ют и, я́ко и́скры по стéблию, потекýт. / Сýдят язýком и облада́ют людýми, и воцарíтся Госпóдь в них во вéки. / Надéющиися Нань разумéют и́стину, и вёрнии в любви́ пребýдут Емý. / Я́ко благодáть и мíлость в преподóбных Егó, и посещéние во избрáнных Егó.

Премúдрости Соломóновы чтéние (главы́ 5 и 6):

Праведницы во вéки живýт, и в Гóсподе мзда их, и попечéние их у Вы́шняго. / Сегó рáди при́мут Цáрствие благолéпия и венéц добрóты от рукí Госпóдни, / занé деснícею покрýет я и мýшцею защитíт их. / При́мет всеорýжие рвéние Своé и вооружíт тварь в месть врагóм. / Облечéтся в броня́ правды и возложíт шлем, суд нелицемéрен. / При́мет щит непобедímый, преподóбие. / Поострíт же напрáсный гнев во ору́жие; / спóбoret же с ним мир на безúмныя. / Пóйдут праволúчныя стрéлы мóлниины / и, я́ко от благокрýгла лúка óблаков, на намéрение полетя́т. / И от каменомéтныя я́рости испóлнь падýт грады, / вознегодýет на них вода́ морскáя, рéки же потопя́т я на́гло. / Сопротив стáнет им

дух силы и, яко вихор, развѣет их,/ и опустошит всю зѣмлю беззаконие, и злодѣйство превратит престолы сильных./ Слышите убо, царие, и разумѣйте, навѣкните, судий концев земли./ Внушите, держащии множества и гордящися о народах языков,/ яко дана есть от Господа держава вам и сила от Вышняго.

Премудрости Соломоновы чтѣние (глава 4):

Праведник, аще постигнет скончатися, в покои будет./ Старость бо честна не многолетна, ниже в числе лет исчитается./ Седина же есть мудрость человеком, и возраст старости житие нескверное./ Благоугоден Богу быв, возлюблен бысть, и живый посреде грешников прѣставлен бысть./ Восхищен бысть, да не злоба изменит разума его, или лесть прельстит душу его./ Рачение бо злобы помрачает добрая, и парение похоти пременяет ум незлобив./ Скончався в мале, исполни лета долга./ Угодна бо бе Господу душа его, сего ради потщася от среды лукавствия./ Людие же видевше и не разумевше, ниже положивше в помышлении таковое./ Яко благодать и милость в преподобных Его, и посещение во избранных Его.

На литии стихиры, глас 2:

Егда гласу Божию, ко спасению отечества зовущему, внял еси,/ святе княже Димитрие,/ тогда, советом святых утверждаем,/ не убоялся еси силы вражия/ и на подвиг ратный велий// с братиею твоею устремился еси.

Егда Дух Божий подкрепляше тя,/ святе княже Димитрие,/ двинути полки Россійския на рати агарянския,/ тогда, Богу содействующу тебе,// победу преславную над врагом одержал еси.

Егда, по помощью Божию окормляем,/ за зѣмлю Россійскую стал еси,/ тогда, святе Димитрие,/ воинство твое на поле Куликове/ премудре уставил еси,// таже и враги преславне одолел еси.

Слава, глас 6:

Возвеселитесь, вси чинове Россійстии,/ о подвизех князя Димитрия,/ иже молитвенник теплый ко Христу явился,// за люди своя и зѣмлю Россійскую представляя.

И ныне, праздника или Богородичен, глас тойже:

**Не отрини, Пренепорочная, / молитвы и воздыхания
людей Твоих, / в скорбех, болезнях и нуждах // к Тебе
присно притекающих.**

На стиховне стихиры, глас 5:

**Аще и маловременно бысть житие твое, / благоверне
княже Димитрие, / обаче селений Господних достигл
еси, // память же вечную у Бога обрел еси.**

**Стих: Честна пред Господем / смерть преподобных
Его.**

**Крепок и мужествен, / взором дивен zelo и нравом
боголюбив был еси, / святе Димитрие всечестне, / землю
Российскую помощью Божию от враг избавил еси, //
темже и любовь велию людей твоих стяжал еси.**

**Стих: Блажен муж, бойся Господа, / в заповедех Его
восхощет zelo.**

**Молися о людех твоих, / угодноче изрядне, святе
Димитрие, / сый в селениях светлых Господа твоего, /
Егоже в житии твоём тепле возлюбил еси, // сего ради
даже до крове за други твоя подвизался еси.**

Слава, глас тойже:

**Радуйся и веселися, славнейший граде Москво, /
таковаго заступника себе стяжавый, / славна и муже-
ственна и духом крепка князя Димитрия, // еще же
и предстателя скорого о людех пред Господем.**

И ныне, праздника или Богородичен.

Тропарь, глас 3:

**Велика обрете в бедах ты поборника земля Русская, /
языки побеждающая. / Якоже на Дону Мамаяву низ-
ложил еси гордыню, / на подвиг сей прияв благосло-
вение преподобнаго Сергия, / тако, княже Димитрие, /
Христу Богу молися, // даровати нам велию милость.**

Слава, и ныне, праздника или Богородичен.

НА УТРЕНИ

**На Бог Господь: тропарь праздника, дважды. Сла-
ва, святого. И ныне, праздника. Аще кроме праздника,
тропарь святого, дважды. Слава, и ныне, Богородичен.**

По 1-м стихословии седáлен, глас 3:

От вóзраста óтروشескаго князь людéй твоих явѣлся еси, / богомúдре Димѣтрие, / таже в советех святых возрастáя, / держáву твою дóбре управил еси.

Слáва, и ны́не, прáздника или́ Богородичен.

По 2-м стихословии седáлен, глас 4:

Яко во дни мѣра, такожде и во дни брани милосердием богатея, / за люди твоя и отечество подвизáлся еси Гóспода рáди, / возлю́бленне княже, богомúдре Димѣтрие, / тэмже и о чтúщих тя моли́ся.

Слáва, и ны́не, прáздника или́ Богородичен.

Величáние:

Величáем тя, / святый благовѣрный великий княже Димѣтрие, / и чтим святую пáмять твою, / ты бо моли́ши о нас // Христá Бóга нáшего.

По полиелéи седáлен, глас 5:

Воспоём, людие, побéду преслáвную, / ю́же благовѣрный князь Димѣтрий за вѣру правослáвную и отечество одержá, / той бо и́мя Святыя Трóицы и пóмощь Пресвятыя Богородицы призва́.

Слáва, и ны́не, прáздника или́ Богородичен:

Пресвятáя Дéво, Богородице Мари́е, / в рáтных пóдвизех, за вѣру и отечество совершáемых, люди Твоя заступáеши, / таже и пáмять вѣчную и спасéние тем подавáеши.

Степéнна, 1-й антифóн 4-го глáса. Прокѣмен, глас 4:
Честнá пред Гóсподем / смерть преподóбных Егó.
Стих: Что воздám Гóсподеви о всех, яже воздаде ми?
Всякое дыхáние: Евангелие от Матфея, зачáло 43.

По 50-м псалмé стихѣра, глас 6:

Егдá время отшѣствия твоегó прииде, / княже Димѣтрие всечестне, / тогда ко Гóсподу в молитве простира́яся, / о Бóже Спасе твоём почѣл еси, // мир блѣжним и дальним оста́вив.

Канóн прáздника или́ Богородицы на 6 и святáго на 8.

Канон святого, глас 4.

Песнь 1

Ирмос: *Моря чермную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.*

Припев: *Святой благоверный великий княже Димитрие, моли Бога о нас.*

Заря пресветлая в рождестве твоём явился еси,/ святе Димитрие, Христу возлюбленне,/ сродники же твоё рождением твоим возвеселил еси.

Заря утренняя был еси, святе Димитрие,/ возраста отроческа достигая,/ Христу молитвы усердныя возносити поучался еси.

Заря красная явился еси отечеству твоему, святе Димитрие,/ княжение прием и в Бога богатя,/ в молитве и исповедании веры православныя укреплялся еси.

Богородичен: *Отроковице Пречистая,/ юныя отроки сохраняй и в возраст пришедшия наставляй,/ святых на земли возвращай.*

Песнь 3

Ирмос: *Веселится о Тебе Церковь Твоя, Христе, зовущи:/ Ты моя крепость, Господи,// и прибежище, и утверждение.*

Утешение богатое и образ богомудрый имел еси, княже Димитрие,/ во отце твоём духовнем, святителе Алексии премудрем,/ како управити отечество твоё.

Утешение обильное приял еси в сердце твоём, святе Димитрие,/ послушав словеса богомудраго святителя,/ к мужеству укреплявшаго тя.

Утешение велие имел еси, богомудре княже Димитрие,/ видя многия други твоя/ во бранех о Бозе готовые верно сподвизатися ти.

Богородичен: *Пресвятая Дево, Богородительнице,/ Ты мудре люди Твоя ко спасению устроиши,/ соблюди и нас в подвизах благих.*

Кондак и икос праздника.

Седален, глас 4:

Яко светильник светел в житии своём людем твоим явился еси,/ богомудре Димитрие, княже приснопамятне

и боголюбэзне./ Не оста́ви нас, ме́ньших бра́тий сво́их,/ о оте́честве на́шем моли́тв тво́их те́плых прося́щих.

Сла́ва, и ны́не, пра́здника или́ Богоро́дичен:

При́зри на моли́твы на́ша, Де́во Пресвята́я,/ по́мощь и спасе́ние лю́дем оте́чества на́шего подаю́щи.

Песнь 4

Ирмо́с: Вознесе́на Тя ви́девши Це́рковь на Кресте́,/ Со́лнце пра́ведное,/ ста в чи́не сво́ем,/ досто́йно взыва́ющи:// сла́ва си́ле Тво́ей, Го́споди.

Терпе́ние ве́лие показáл еси́, Димíтрие премúдре, в княже́нии тво́ем,/ преде́лы земли́ твоея́ укрепля́я и защища́я.

Терпе́ние и му́дрость яви́л еси́, свя́те,/ в походе́х тво́их на ага́ряны,/ с по́мощию Бо́жиею побежда́я сих.

Терпе́ние мно́гое имéл еси́, богому́дре Димíтрие,/ кня́зи Росси́йския с полки́ их объе́диняя/ во еди́но во́инство христолюбíвое.

Богоро́дичен: Пресвята́я Богоро́дице, Ма́ти Пречи́стая,/ Сы́на Твоего́ при́сно моли́/ о е́же возраста́ти и в си́лу Бо́жию приити́ избра́нным Тво́им.

Песнь 5

Ирмо́с: Ты, Го́споди, мой свет,/ в мир пришéл еси́,/ свет Святы́й, обраща́яй из мра́чна неведе́ния// ве́рою воспева́ющая Тя.

Добродéтельми богому́дрыми богатéя, Димíтрие всече́стне,/ строи́тель сла́вный гра́да Москвы́ яви́лся еси́,/ те́мже и лю́ди тво́я возвесели́л еси́.

Добродéтельми христиа́нскими в жити́й тво́ем укрепля́яся, свя́те кня́же Димíтрие,/ мно́ги хра́мы Бо́жии пречу́дныя по градо́м княже́ния твоего́ воздви́гл еси́.

В добродéтелях возраста́я, Димíтрие премúдре,/ дом и кня́жество твоё́ до́бре упра́вил еси́,/ во Христé Спа́се обогаща́яся.

Богоро́дичен: Де́во Пренепоро́чная, Ма́ти Христа́ Бо́га,/ лю́ди и кня́зи Тво́я в ми́ре соблюди́/ и в добродéтелях мно́гоимени́тых возрастí.

Песнь 6

Ирмо́с: Пожру́ Ти со гла́сом хвалéния, Го́споди,/ Це́рковь вопиéт Ти,/ от бесо́вския кро́ве очи́щися,/ ра́ди ми́лости от ребр Тво́их// истéкшею Кро́вию.

Смиренномудрие удобообразсудительное и любовь изрядную к верным людем твоим показал еси, / преславне княже Димитрие, / егда ко брани велии на Мамая ополчился еси / со сродники и други своими.

Смиренномудрие велие явил еси, святе Димитрие, / егда к стопам Сергия преподобнаго припал еси, / того благословения на подвиг ратный испрошая.

Смиренномудрие и послушание явил еси отцу твоему, Сергию великому, / егда благословением того два инока боголюбива, Александра и Андрея, / в воинство твое приял еси.

Богородичен: Дево Пренепорочная, Надеждо наша непостыдная, / во дни испытаний и скорбей велиих не остави молящихся Тебе.

Кондак, глас 2:

Подвиги твоими, святе Димитрие, / страну нашу Бог сохрани, / давший тебе силу непобедимую. / И ныне, предстателю крепкий, / соблюдай молитвами святыми / град твой Москву невредим // от всех навет вражиих.

Икос:

Измлада заповедем Господним поучаяся / и любовь Христову в сердце своем стяжавая, святе Димитрие, княже всечестне, / словесем Господним и наставлению святых отец, Алексия и Сергия, внимая, / в мужа совершенна достигл еси, / таже победу преславно одержал еси. / И ныне, предстателю крепкий, соблюдай молитвами святыми / град твой Москву невредим от всех навет вражиих.

Песнь 7

Ирмос: *В пещи авраамстии отроцы персидстей, / любовьию благочестия паче / нежели пламенем опаляеми, взываху: // благословен еси в храме славы Твоея, Господи.*

На избавление Божие уповая, блаженне княже Димитрие, / пред началом брани благословение отца твоего Сергия прият / и, подвигом инока Александра вдохновляем, / в битву со враги твоими вступил еси.

Избавления от враг лютых не чаючи, / стеняше земля от крове воев твоих проливаемых, / сам же ты,

княже Димітрие, в одѣжди воина препростаго с врагом мужественне сражался еси.

Избавления не ждѣху мнози преславнии князие и вои твои, / души полагающе за други своя на поле Куликовѣ, / воевода же Бренко Михайл под знаменем Спасовым за тя погѣбе.

Богородичен: Избавительнице крепкая, Богородительнице Пречистая, / честною иконою Твоею, яже Донская наречѣся, / укрепила еси люди Твоя в смертной брани велицей, / землю Россійскую спасаючи.

Песнь 8

Ирмос: Руце распростер Даниил, / львов зияния в рове затче, / огненную же силу угасиша, / добродетелию препоясавшися, / благочестия рачители, отроцы, взывающе: // благословите, вся дела Господня, Господа.

Чудо преславное бысть побѣда воинства Россійскаго, / тобою, княже Димітрие, собраннаго, / егда полцы князей Владимира и Димітрия Волынскаго на орду агарянскую внезапно изыдоша / и в бѣгство тую обратиша.

Чудо непостижно бысть, / егда земля Россійская поколебася от шума бѣгства агарянскаго. / Ты же, славне Димітрие, многи раны прием, на земли сей, яко мертв, лежал еси.

Чудо страшное бысть, вечеру dospѣвшу и битве утихшей, многое бо множество воинства Россійскаго острием мечѣ падоша, / ихже имена великий авва Сѣргий, откровением дивным, во обители своей на молитве возношаше.

Богородичен: Чудное знамение попечения Твоего, Пречистая Дѣво Маріе, / о родѣ Россійстем явивши в день празднования Рождества Твоего, / преславную побѣду тому даровала еси.

Песнь 9

Ирмос: Камень нерукосѣчный / от несекомыя горы, Тебѣ, Дѣво, / краугольный отсечѣся, / Христос, совокупивый разстоящая естества. // Тем, веселящися, Тя, Богородице, величаем.

О, како пострадала земля Россійская в битве велицей, / яко множество людей за отечество души своя положиша, / ты же, святе Димітрие, с молитвою и любовью / во днѣх мнозех телеса их земли предавал еси.

О, како прослави́ся імя Божіе в по́двизе твоём, княже Димі́трие пречу́дне, в сла́вней побѣде сей, / ёюже лю́ди Россі́йскія і́га стра́шнаго свободи́л еси́, / и, наре́чение Донска́го прия́в, моли́твенник прі́сный о нас явля́ешься.

О, како вели́к бысть по́двиг сей в лю́дех твои́х, пречу́дне княже наш Димі́трие, / я́ко и на гряду́щая времена́ простре́ся сла́ва побѣды / христолюбіваго во́инства Россі́йскаго на по́ле Кулико́ве.

Богородичен: **О** пречу́дная Влады́чице Богороди́тельнице, / на пу́ти люде́й Твои́х и вождей́ их призира́ющи / и тем побѣду на супоста́ты да́рующи, / приими́ моли́твы недосто́йных раб Твои́х, / к Тебе́ прибега́ющих.

Свети́лен:

Побѣду ве́лию во і́мя в Тро́ице сла́вимаго Бо́га, / по сло́ву пресла́внаго Сѣ́ргія, / с во́и твои́ми одержа́л еси́, богому́дре княже Димі́трие. / Тем ты, я́ко предста́теля пред Бо́гом, вси почита́ем.

Сла́ва, и ны́не, пра́здника или́ Богородичен:

Еди́наго от Тро́ицы Бо́га в ложесна́х Твои́х носі́ла еси́, Богома́ти Пречи́стая. / Сего́ Бо́га Сло́ва и Сы́на Твоего́ о лю́дех умоля́ющи, / покрый́ нас предста́тельством Твои́м, Всепѣ́тая.

На хвалі́тех стихі́ры пра́здника 3 и свята́го 3. А́ще кро́ме пра́здника, стихі́ры свята́го на 4.

Стихі́ры свята́го, глас 8.

Подобен: **О,** пресла́внаго чудесе́:

О, ве́лия ми́лости Божія! / А́ще и пострада́ град Москва́ по́слежде / от набѣгов вра́жиих, / оба́че ти́и не возмо́гоша поколеба́ти ми́ра, / во оте́чествѣ твоём, свя́те Димі́трие, // тобо́ю утвержде́ннаго.

О, досто́йное благода́рѣние! / Мно́ги хра́мы и оби́тели прекра́сны воздвигл еси́, / блаже́нне Димі́трие, / по одоле́нии нашѣствія агаря́нскаго, / оби́тель же Сѣ́ргія преподо́бнаго // да́ры мно́гими украси́л еси́.

О, неисто́щима́я си́ла любве́! / Послуша́ние преподо́бнаго Сѣ́ргія исполня́я, / свя́те Димі́трие, / моле́ние по во́ином уби́енным соверша́л еси́, / та́кожде и мы да́же до ны́не творі́м, // Димі́триеву суббо́ту соблюда́юще.

Слава, глас тойже:

Да помянуты будут купно со святым Димитрием князем/ вси людие Россійстии,/ дүши своя о спасенни ближних положившии./ Тако воспомянем достойно преподобнаго первоборца битвы Куликовския/ схимонаха Александра Пересвѣта/ и пострадавша во брани князя Михайла Бренка/ и схимонаха Андрея Ослябю./ Да почтутся любовью купно сподвижницы Димитриевы,/ князь Владимир Храбрый и воевода нарочит Димитрий Волынский,/ еще же и Андрей князь,/ с нимиже и прочии вои, // за землю Русскую не пощадившии живота своего.

И ныне, праздника или Богородичен.

На Литургии служба преподобническая.

Молитва


О святой благоверный великий княже Димитрие! Аще и не мнози быша дние земнаго жития твоего, обаче велик жребий приял еси от Содетеля всех Господа, еже прославиться в земли Россійстей и блаженство вечное на Небесех получитьи.

Услыши нас, молитвенниче теплый, предстателю наш пред Господом неусыпный! Во дни мира и в годину нестроений не остави нас попечением твоим, научи ны покорны быти Божественному Промыслению, вся в житии нашем ко благу направляющему, отечество наше молитвами твоими от нашествий вражиих, раздоров и нестроений защити и укрепи теплым твоим предстательством.

О святче Божий! Моли, купно со святою супружницею и сподвижницею Твоею благоверною княгинею Евдокиею, да знаменается на нас свет лица Божия и, тем наставляеми, достигнем Царства Правды Христовы, некончаемаго и вечнаго. Аминь.

Благоверный великий князь Димитрий Донской, сын князя Иоанна Красного и княгини Александры, внук Иоанна Калиты, родился 12 октября 1350 года и воспитывался в любви к Богу и святой Церкви под руководством святителя Московского Алексия. В воспитании князя святителю много

содействовал преподобный Сергей Радонежский. С ранних лет Димитрий, внимая рассказам отца о славных предках — Александре Невском, Данииле Московском и других благоверных князьях, укреплялся в ответственности за свое происхождение. Девятилетним мальчиком после смерти



отца Димитрий отправился в Орду и получил от хана разрешение наследовать отцовское княжение. Христианское благочестие святого князя Димитрия сочеталось с талантом выдающегося государственного деятеля. Димитрий укрепил Москву, окружив Кремль стенами из белого камня взамен дубовых, сгоревших во время пожара, и поставил на стены пушки — новейшее оружие того времени. Москва смогла выдержать три осады огромного литовского войска. Димитрий посвятил себя делу объединения русских земель под главенством великих князей Московских и освобождению Руси от монголо-татарского ига. На все свои деяния великий князь получал благословение Церкви. Собирая силы для решающего сражения с полчищами Мамай, святой Димитрий посетил обитель Живоначальной Троицы и поведал преподобному Сергию о своих сомнениях ввиду малочисленности своих дружин (в сравнении с войском мамаевым). Преподобный вознес молитву к Богу и благословил князя, предсказав победу его христианскому воинству. Старец воодушевил князя и его ратников, направив им в помощь двух троицких схимников — Александра (Пересвета)

и Андрея (Ослябю). Перед сражением святой Димитрий горячо молился Богу и обратился к воинам, сказав: «Братья, пора нам испить нашу чашу, и пусть это место станет нам могилой за имя Христово...». Битва произошла на Куликовом поле, между реками Доном и Непрядвой, в день праздника Рождества Пресвятой Богородицы, 8 сентября 1380 года. Перед выступлением русских против татар были открыты во Владимире мощи святого благоверного князя Александра Невского. Димитрий Иоаннович узнал об этом еще до битвы и был укреплен незримой помощью от своего великого предка. Битва началась поединком монаха Александра Пересвета, который принял вызов на бой татарского богатыря Челубея. Воины сшиблись и упали замертво. Великий князь участвовал в сражении наравне с простыми ратниками. Сбылось предсказание преподобного Сергия: Господь не оставил русское воинство. Многие видели над Куликовым полем Ангелов, Архистратига Михаила, страстотерпцев Бориса и Глеба, княжеского покровителя Димитрия Солунского. Вступление в сражение засадного русского полка под командованием воеводы Димитрия Боброка и князя Владимира Андреевича Храброго решило исход битвы. Татары бежали, побросав обозы. За эту победу великий князь Димитрий стал именоваться Донским. В благодарность Богу и Пресвятой Богородице святой Димитрий устроил Успенский монастырь на реке Дубенке и создал храм Рождества Пресвятой Богородицы на могилах павших воинов. Тогда же в Троицкой обители святой князь начал всенародное поминовение убиенных воинов (так возникла Димитриевская родительская суббота). Перед смертью великий князь составил духовное завещание, заповедав своим детям чтить их мать — великую княгиню Евдокию (в иночестве Евфросиния; †7 июля 1407; причислена к лику святых), а боярам жить по заповедям Божиим, утверждая мир и любовь.

Святой Димитрий преставился ко Господу 19 мая 1389 года и похоронен в Архангельском соборе Московского Кремля. Канонизация князя Димитрия совершилась в 1988 году.